

Ме́сяца септёмврия в 18-й день

Попра́зднство Воздв́ижения Креста́ Господ́ня.

И преподо́бнаго Иларио́на О́птинскаго

НА МА́ЛЕЙ ВЕЧЕ́РНИ

На Го́споди, воззва́х: преподо́бнаго стихіры, глас 1:

Прииді́те, празднолю́бцы,/ днёсь восхва́лим лик честный,/ преподо́бных ста́рцев О́птинских,/ в землі Калужской просия́вших,/ я́ко многоце́ннии бисери;/ и вку́пе с ни́ми просла́вим богому́драго Иларио́на,// ублажа́юще тогó досто́йно.

Красу́йся ны́не и лику́й/ благослове́нная пу́стыне О́птинская,/ возрасти́вшая, я́ко кри́ны благоуханныя,/ преподо́бныя отцы́ на́ша,/ от ни́хже ста́рец Иларио́н всехва́льный е́сть,/ егóже ны́не ублажа́ем,/ добродете́лей дивнаго на́ста́вника// и пра́вило мона́шествующих.

Боже́ственная велё́ния исполня́я,/ в по́двизех послуша́ния кре́пок показáлся еси́/ и, я́ко но́вый Елисей,/ благода́ть ста́рчества от преподо́бнаго Мака́рия досто́йно восприя́л еси́,/ о́тче Иларио́не блаже́нне,/ те́мже и почита́ющих па́мь твою́// духо́вныя ра́дости испо́лни.

Сла́ва, глас 6:

Ликовству́ет ны́не Це́рковь Ру́сская,/ наипа́че же О́птина пу́стынь велича́ет тя,/ о́тче Иларио́не прехва́льне,/ мы же, немощна́я ча́да тво́я,/ любо́вию тя почита́юще,// мо́лим испроси́ти нам у Го́спода мир и ве́лию ми́лость.

И ны́не, пра́здника.

На стихо́вне стихіры преподо́бнаго, глас 2:

Благáя и спаси́тельная/ слезáми пока́йными се́явый,/ стори́чный пло́д добродете́лей возрасти́л еси́/ и Бо́гу Благоутро́бному во смире́нии глубо́це принёсл еси́,/ преподо́бне о́тче Иларио́не,// сегó ра́ди ве́рно тя похваля́ем.

Стих: Честна́ пред Го́сподем// смерть преподо́бных Егó.

Благоче́стнаго жити́я по Бо́зе взыска́юя,/ в по́двизех по́стнических утверди́лся еси́/ и, я́ко ма́слина многопло́дная,/ в О́птине пу́стыни процвёл еси́;/ те́мже па́мь твою́ све́тло пра́зднуем// и мо́лимся спасти́ся душáм на́шим.

**Стих:** Блажен муж бойся Господа, // в заповедех Его восхощет зело.

Благонравным житием шествуя, / достигл еси в мужа совершенна / и в подвизах добродетелей искусна; / темже и многия ученики наставил еси, / блаженне отче Иларионе, / и, якоже сотворивый и научивый, // мзду от Бога многую приял еси.

**Слава, глас тойже:**

Якоже отрасль добрая родителей благонравных, / жизнь твою в день праздника Пасхи от Господа восприял еси, преподобне, / ныне же в невечернем свете Христове, / причащаяся нескончаемая Пасхи, // моли и нам тоя сподобитися.

**И ныне, праздника.**

**Тропарь преподобнаго, писан на велицей вечерни.**

**Слава, и ныне, праздника.**

**НА ВЕЛИЦЕЙ ВЕЧЕРНИ**

**На Господи, возвах: стихиры на 8, глас 5:**

Радуйся, Иларионе, светило благочестия, / мысленный мрак нечестия просветивый / и озаривый словом истины сословия всяческая, / подвигнув к похвалению Бога, / во Единой Троице славимаго, / ты бо, якоже лучами солнечными, разумы заблуждшия просветил еси / и Церковь одеждою златославною украсил еси. / Темже, богопроповедниче Иларионе, / моли Христа, Солнце Правды, / светом Истины нам озаритися // и улучшить мир и велию милость.

Радуйся, преподобне Иларионе, / постников удобрение, / право мыслящих утверждение, / на враги церковныя победа, / Оптины пустыни похваление всекрасное, / догматов чистое зеркало, / раскольнических умов низложение, / мудрости старческаго вместилище! / Моли, богопросвещенный отче, Христа Бога, / даровати Православию утверждение, / Церквам единомыслие, / иноком веру истинную, / людем во благочестии укрепление, // мир и велию милость.

Радуйся, врачу безмездный, / врачевателю душ богомудрый, / светильниче молитвы неугасимый, / елеем премудрости Небесныя умягчающий струпы наша греховныя, / и, яже от нападений демонских раны исцеляющий. / Темже, отче Иларионе, / моли Христа Бога даровати нам // мир и велию милость.

Ра́дуйся, богому́дре Иларио́не,/ блаже́нство ра́йское улучи́вый,/ я́ко и́стинный учени́к Христо́в:/ соверше́нне Бо́жия за́поведи усвои́в/ и живото́а вѣчнаго глаго́лы уясни́в,/ дея́нием вся сия испо́лнил еси́./ Мы же мо́лим тя, о́тче:/ не оста́ви нас, си́рых,/ заблужда́тися на путѣх земны́х,/ взыщи́ моли́твою твоёю/ и на стезю́ и́стинную наста́ви,/ да сподо́бимся от Христа́ улучи́ти// мир и ве́лию ми́лость.

### Слава, глас 6:

Свети́льника ве́ры ты позна́хом,/ Иларио́не, Христо́в уго́днице,/ и́же оте́ческих преда́ний не оста́вил еси́,/ ерети́ческая же мудрова́ния возненави́дев,/ учи́тели ло́жные сокруши́л еси́/ и раско́льники победи́тельно посра́мил еси́,/ Отца́ и Сы́на и Свята́го Ду́ха испове́дав,/ па́стырь до́брый ста́да Христо́ва яви́лся еси́./ О нас, преподо́бне, моли́ся ко Благоде́телю всех,// е́же уще́дрити и спасти́ ду́ши на́ша.

### И ны́не, пра́здника.

### Вход. Прокі́мен дне. И чтѣ́ния три преподо́бническая.

#### На литі́и стихи́ра пра́здника, и преподо́бнаго, глас 1:

А́нгельски пожи́в на землі́,/ к Све́ту Невече́рнему, сла́вне, взя́лся еси́,/ оста́вль нам божѣ́ственнаго смире́ния о́браз,/ трудолю́бия твоего́ вожде́ленное пра́вило/ и добродѣ́телей немерца́ющую зарю́./ Ны́не же со а́нгельскими чи́нми Бо́гу предсто́йши,/ и о всем ми́ре дерзнове́нно мо́лишися./ Помина́й нас, любóвию соверша́ющих па́мять твою́,/ преподо́бне Иларио́не,/ и оте́ческим твои́м заступле́нием/ ерети́чествующих воста́ния разори́/ и испроси́ Цѣ́ркви Ру́сской// мир и ве́лию ми́лость.

Победи́л еси́ страсте́й воста́ние умерщвле́нием плóти/ и, в бытіе́ вѣчное роди́вся,/ я́ко но́вая тварь во Христе́,/ Ду́хом Святы́м просвети́лся еси́,/ в ри́зу же нетле́ния оде́вся,/ зва́нныя ве́чери Ца́рския сподо́бился еси́./ Те́мже мо́лим тя, о́тче Иларио́не,/ помози́ и нам пока́янием очи́ститься// и в черто́г Госпо́день вни́ти.

### Глас 2:

Кі́ими словеси́ восхва́лим тя, о́тче Иларио́не?/ Ка́ко изочте́м добродѣ́тели тво́я,/ в се́ни сме́ртней грехо́внаго жити́я пребыва́юще?/ Ка́ко досто́йно воспо́ем труды́ тво́я?/ Кі́й язы́к возмо́жет изрещи́ блага́, ихже сподо́бился еси́?/ Ты бо, у́зким путе́м шѣ́ствуя,/ во дво́рех Бо́га на́шего ра́достно всели́лся еси́,// и нас сподо́би то́го дости́гнути.

Смирением Христу подражая,/ клеветы и поношения благодушно терпя/ и за обидящих тепле моляся,/ многия беды и скорби понесл еси./ Ныне же, преподобне, моли о нас грешных и злонравных,/ да истребится всякая нечистота// из сердец наших.

**Слава, глас тойже:**

Красуйся, Церковь Русская,/ днесь воспеваючи сына твоего,/ преподобного Илариона Оптинского,/ мужа совершенна,/ ты, яко мать многочисленную, возлюбльшаго,/ и даже до последнего издыхания/ усердие к тебе сохраняшаго// и чадом своим ты любить завещавшаго.

**И ныне, праздника.**

**На стиховне стихиры преподобного, глас 1.**

**Подобен: Небесных чинов:**

Преподобне отче Иларионе,/ радуется о тебе Калужская земля,/ наипаче же славится пустынь Оптина,/ в сонме бо преподобных старцев,/ яко звезда пресветлая сияеши/ и Христа Бога вкупе с ними тепле молиши// о спасении душ наших.

**Стих:** Честна пред Господем/ смерть преподобных Его.

Преподобне отче Иларионе,/ вся коварства злокозненного мучителя/ силою Божиею разрушил еси,/ выну очи мысленныя горе впередя,/ сердцем же к Богу устремляясь,/ яко финикс, насажденный рукою Господней,// ныне в вертограде Небеснем процвел еси

**Стих:** Блажен муж бойся Господа,/ в заповедех Его восхощет зело.

Преподобне отче Иларионе,/ ты яко добрый строитель,/ на крепцем камени Христове/ храмину души твоея воздвигл еси/ и, яко земледелец трудолюбивый,/ землю сердца твоего со тщанием возделав,/ многими добродетельми украсил еси,// имиже питаеши духовная чада твоя.

**Слава, глас 8:**

Днесь настá день торжества твоего,/ верный рабе Христов Иларионе,/ ты бо, яко воин добропобедный,/ лютаго змия силою Божиею низложив,/ венцем нетленным от Христа увенчался еси// и в Церковь Небесную с ликованием вшел еси.

**И ныне, праздника.**

На благословении хлебов, тропарь святого, дважды, и праздника, единойжды.

#### Тропарь, глас 4:

Божественный врачевателю страстей,/ веры искусный кормчий  
войстину,/ приял еси от Господа благодать исцелений,/ и на демонов  
славныя победы,/ Иларионе, отче предивне,/ вся бо тайная обличил  
еси,/ еретическия умыслы разорив./ Темже молися Христу Богу,/ от  
прелести диавольския избавити// и спасти души наша.

#### Ин тропарь, глас 7:

Мира красная возненавидев,/ мир душевный в души стяжал еси,/  
земная же наслаждения презрев,/ Небесными дарованиями обогатился  
еси./ Темже, и тьму раскола отгнав,/ стадо Христово добре упасл еси,/  
спасай и нас молитвами твоими,// Иларионе старче  
богопросвещенный.

### НА УТРЕНИ

На Бог Господь: тропарь праздника, дважды. Слава, тропарь  
святого. И ныне, праздника.

#### По 1-м стихословии седален, глас 3:

Светлостию подвигов богоприятных просиял еси, отче,  
еретическую тьму разгоняя/ и добродетельми всяческими украшаяся/  
обитель Духа Пресвятого явился еси./ Темже ныне, Иларионе,  
источаеши верным исцеления,/ яко сосуд исполнь благодати Божия.

Слава, и ныне, праздника.

#### По 2-м стихословии седален, глас 2:

В соборе богоизбраннем ныне предстояши, Иларионе праведне,  
старчества Оптинскаго утверждение незыблемое,/ догматы бо оградив  
стадо твоё,/ к вере Православней паству путеводил еси,/ темже всегда  
ограждай от бед обитель твою.

Слава, и ныне, праздника.

#### По полиелееи седален, глас 6:

Яко звезду пресветлую, зрит тя ныне Оптина пустынь,/ Иларионе  
богомудре отче,/ лучами бо веры прогоняеши неведения мглу/ и  
разумы просвещаеши зарю Троицкою./ Темже убо моли

Светода́вца Христа́,/ да просвети́т нас Свѣтом Своего́ богоразу́мья,/ любóвию почита́ющих священну́ю па́мять твою́.

**Сла́ва, и ны́не, прáздника.**

**Степéнна, 1-й антифóн 4-го глáса. Прокíмен, глас 4:** Честна́ пред Гóсподем/ смерть преподóбных Его́. **Стих:** Что возда́м Гóсподеви о всех, я́же воздаде́ ми? **Евáнгелие от Матфе́я, зачáло 43.**

**По 50-м псалмé стихíра, глас 6:**

**Настáвник богомúдрый,/ Цérкве Рýсския благоглаго́ливая уста́,/ Дýха оргáн доброгласный,/ лжу раскóлов посрамля́й,/ до́лу влеку́щая стра́сти отсека́й/ и к высотé богопознáния возвышáяй,/ Илариóн преподóбный ны́не да почтíтся,/ véры прáвья побóрник// и моли́твенник о душа́х нáших.**

**Канóн прáздника со ирмосóм на 6, и свята́го на 8.**

**Канóн свята́го, глас 8.**

### **Песнь 1**

**Ирмос:** Колесницегонíтеля фараóня погрузи́/ чудотвори́й иногдá/ Моисéйский жезл, крестообразно порази́в/ и раздели́в мо́ре:/ Изра́иля же беглеца́, пешехóдца спасе́,// песнь Бóгови воспева́юща.

**Роди́телю изде́тска в послушáнии навы́к, с млекóм ма́тере véру Христо́ву впитáл еси́, зна́меновався в рождестве́ твоём свѣтом Воскресéния Христо́ва.**

**Ратобóрец искúсен показáлся еси́, егдá невидимая пóлчища бесóвская постóм, бдéнием и моли́твою победи́л еси́, тёмже мо́лим тя, преподóбне, помози́ и нам в духо́вных бра́нех устоя́ти.**

**Егíптян мýсленных зело́ усмири́л еси́, непрестáнно íмя Христо́во призывáя, и, я́ко фараонíтское во́инство, водо́ю слез твои́х потопи́л еси́, песнь Бóгови воспева́я.**

**Богорóдичен:** Палáто Небéснаго Царя́, во чрэ́ве вместíвшая Невместíмага, Всепречи́стая Дéво Богорóдице, услы́ши нас грéшных, моля́щихся Тебе́, и побори́ враго́в, борю́щих нас.

### **Песнь 3**

**Ирмос:** Утвержде́й в начале́ небеса́ разу́мом/ и зéмлю на вода́х основáвый,/ на ка́мени мя, Христе́, за́поведей Твои́х утверди́:/ я́ко несть свят па́че Тебе́,// Еди́не Человеколю́бче.

**Свѣтом Христóвым просвещая зѣмлю Рýсскую и расколоучителей обличая нечѣстие, спасл есѣ óвцы Христóвы от гѣбели вѣчныя.**

**Настáвников твоѣх, Льва и Мака́рия, достóйный ученичѣ и послу́шнике преизрѣдный сый, в нижáйшем смире́нии серде́чном вы́сок пред Го́сподем яви́лся есѣ.**

**Любóвию двѣжимый, е́же Бо́гу Еди́ному рабóтати, вся красная мѣра презрѣл есѣ и, по Бóзе жити́е рѣвностно облобыза́в, вѣрный послѣдователь Христа́ яви́лся есѣ, с Нѣмже и ца́рствуеши ны́не.**

**Богорóдичен:** Богорóдице Дѣво, прости́ в моли́тве рúце к воздви́жаемому на Крестѣ Сы́ну Твоему́, Пречи́стая, за ны грѣшныя во́лею распѣншемуся, да избáвит нас от рабóты вра́жия.

### Конда́к и ѣкос пра́здника.

#### Седáлен, глас 5:

**Небѣсных ликóв подóбниче, óтче пра́ведне, ны́не в вели́цей сла́ве незаходи́мей ликúеши и любóвию на ны, грѣшныя и немощны́я, взира́еши, обáче приими́ похвалы́, брѣнными устна́ми тебѣ воспевáемья, е́же умоли́ти Милосѣрднаго Бо́га даровáти нам потрѣбная ко спасѣнию.**

### Сла́ва, и ны́не, пра́здника.

#### Песнь 4

**Ирмос:** Ты моя крѣпость, Го́споди,/ Ты моя и си́ла,/ Ты мой Бог, Ты моѣ ра́дование,/ не оста́вь нѣдра Óтча/ и на́шу нищету́ посетѣв./ Тем с проро́ком Авваку́мом зовú Ти:// си́ле Твое́й сла́ва, Человеколю́бче.

**Цевни́ца духо́вная был есѣ, óтче, возвещая́ от Бóжиих словѣс, отгúду бо почѣрпл есѣ ра́зум божѣственный, и всем к тебѣ притека́ющим, препóдал есѣ благочѣстно.**

**Апóстольски поревновáв, преподóбне, заблúдшия и прельщѣнныя из рóва погѣбельнаго извѣл есѣ и, еретическая собра́ния пресѣк, лжеучители пра́ведному суду́ пре́дал есѣ.**

**Вѣру Правосла́вную сохраня́я, я́коже учѣл, та́кожде и творѣл есѣ: мирско́му предпочѣл есѣ мона́шеское, тем и жити́е твоѣ просла́вился.**

**Богорóдичен:** Еди́на Чѣстая в жена́х, Ма́ти сподóбившися бѣ́ити Го́спода, на руку́ носѣла есѣ Безнача́льнаго и от сосцú пита́ла есѣ Безлѣтнаго. Того́ úбо моли́ спасти́ пою́щия Тя.

## Песнь 5

**Ирмос:** Вскую мя отринул еси/ от Лица Твоего, Свете Незаходимый,/ и покрыва мя  
есть чуждая тьма окайянаго./ Но обрати мя, и к свету заповедей Твоих// пути моя  
направи, молюся.

**К** подвигу иноческому приступив неослабным умом, истины  
разумение приял еси, ангельским же чином поревновав, волю  
божественную исполнити потщался еси.

**Восхождение** в сердце своем положил еси, в молитве  
непрестанно поучаяся, и всеночными твоими бденими ноши яко дни  
светозарны показал еси.

**Илиину** ревность к Богоугождению имея и, яко Иосиф,  
целомудрие храня, вельми Богу угодил еси и со избранными  
сопричтен был еси. Испроси и нам невещественная блага восприяти.

**Богородичен:** Распинаемого на Кресте зрящи Сына Твоего, слезно  
вопийла еси, Мати Божия, оружие бо нестерпимая скорби душу Твою  
пройде, обаче ныне дарова Тебе Христос Бог неизреченную радость.

## Песнь 6

**Ирмос:** Очисти мя, Спасе,/ многа бо беззакония моя,/ и из глубины зол возведи,  
молюся:/ к Тебе бо возопих и услыши мя,// Боже спасения моего.

**Всемудрый** ум стяжав и воли своея отложение усвоив,  
послушанием ко источнику мудрости притекл еси и чистыя воды  
разсуждения испил еси.

**О**ко духовное во бдениих изошрив, зрел еси законы бытия  
вечнаго и, грядущая яко настоящая провидя, от бед и скорбей чад  
своих охранял еси. Тако и нас, преподобне, от бед избави.

**Дивное** чудо сотвори тобою Господь, егда ты, отче, благословив  
жену неплодную, на будущее лето со чадом прийти повелел еси. Тако  
и нас, добродетелей не имеющих, благослови и сотвори благоплодны.

**Богородичен:** Егда книги совестныя разгнутся и станет  
Нелицеприятный Судия на Судиии Своем, тогда воздежи  
богоприемней рuce Твой, Пречистая Богородице, и сподоби нас  
одесную Сына Твоего стати.

## Кондак, глас 5:

**Сотайнниче** старцев Оптинских/ и сонаследниче предела  
Владычицы,/ яко древо плодovitoe, в пустынном вертограде процвел  
еси/ и, яко пастыр добрый, стадо Христово утвердил еси./ Ныне же

моли́ Христа́ Бóга/ в Правосла́вии сохра́нися и в благоче́стии  
утверди́тися// лю́бовию тя почита́ющим.

### И́кос:

Лю́тою боле́знию изнуря́емъ, Йову Многострада́льному  
подража́я, непреста́нно Бóга благодарил еси́, и за сие́ возда́ тебе  
Госпо́дь и в Ца́рстве смире́нных и кро́тких упоко́и. Мы же, дивя́щеся  
по́двигу жити́я твоего́, умилно́ вопие́м ти: ра́дуйся,  
мона́шествующим о́бразе терпе́ния; ра́дуйся, подвиза́ющимся о  
Го́споде кре́пкий помо́щниче. Ра́дуйся, Руси́ Святы́я при́сный  
моли́твенниче; ра́дуйся, похвало́ и ра́дование лю́бовию тя  
почита́ющим.

### Песнь 7

**Ирмо́с:** Бóжия снизхожде́ния/ о́гнь устыде́ся в Вавило́не иногда́:/ се́го ра́ди о́троцы  
в пещи́ ра́дованною ного́ю,/ я́ко во цве́тнице ликую́ще, пояху:// благослове́н еси́, Бо́же  
оте́ц на́ших.

Недрема́нно о́ко се́рдца твоего́ соблю́л еси́/ и та́йная кова́рства  
де́монская изобличил еси́,/ тьму преле́стную разгоня́я непреста́нным  
псалмопе́нием:/ благослове́н еси́, Го́споди, взыва́я.

Престо́лу Бóжию предсто́я, предста́тельствуеши моли́твою твоёю  
за пу́стынь О́птину, науча́я всех ве́рных пе́ти: благослове́н еси́, Бо́же  
оте́ц на́ших.

Веще́ственная бла́га отринув, невеще́ственного пакибы́тия  
прича́стник соде́лался еси́ и, я́ко до́брый де́латель виногра́да  
Христо́ва, мзду Небе́сную со все́ми святы́ми прия́л еси́, воспева́я:  
благослове́н еси́, Бо́же оте́ц на́ших.

Убе́жище благоо́тишное в О́птиной пу́стыни обрёт, мяту́щаяся  
ду́ши людскя́я ми́ром и лю́бовию исполня́л еси́, науча́я всех вѣ́ну  
воспева́ти: благослове́н еси́, Бо́же оте́ц на́ших.

**Богоро́дичен:** Тебе́ и Стѣну и Приста́нище ймамы, и  
Моли́твенницу благоприя́тну к Бóгу, помяни́ нас во Ца́рствии Сѣ́на  
Твоего́, Де́во Пречи́стая.

### Песнь 8

**Ирмо́с:** Седмери́цею пещь/ халде́йский мучи́тель/ благочесті́вым неістовно  
разжже́,/ сіло́ю же лу́чшею спасе́ны ся́ ви́дев,/ Творцу́ и Изба́вителю вопия́ше:/ о́троцы,  
благослови́те,/ священни́цы, воспойте,// лю́дие, превозноси́те во вся ве́ки.

**В** молитве к тебе прибегаем и защищения у тебе просим: избави стадо Христово от волков, губящих е, и еретичествующих нападения вконец разори.

**Е**гда богоносный старец Макарий, авва твой, преставися ко Господу, тогда ты сирот его духовных не оставил еси, словом Божиим тех неленостно питаешь.

**Е**лицы под законом ходят, раби суть Господни, ты же, любовью объятый и сердце Богу в дар принесый, яко чадо Христу усвоился еси: сподоби и нас Того всем сердцем возлюбити и наследники благ Небесных соделатися.

**Богородичен:** Светлое ангелов ликование, кадилнице молитв святых благовонная, Начальника жизни наша во чреве Своём носившая, Того моли, Мати Божия, да приимет нас в Небесныя чертоги.

### Песнь 9

**Ирмос:** Ужасеся о сем Небо,/ и земли удивися концы,/ яко Бог явися человеком плотски/ и чрево Твое бысть пространнейшее небес./ Тем Тя, Богородицу,// ангелов и человек чиновачалия величают.

**И**деже умножил еси талант духовный, zde ныне пребывают честныя мочи твоя, ту посещай, и твоя певцы любовь назирай, ты непрестанно величающия.

**И**стинный ученик Христов быв, потщался еси одежды души твоея слезами покаянными омьти и вонями добродетелей умастити. Темже на брачную вечерю невозбранно вшел еси, и нас тоя сподоби.

**О** присный делателю молитвы, отче преподобне! Ты, ум на стражи сердца своего утвердив, всякий лукавый помысл именем Христовым искусно посеки еси и чистотою сердечною Бога узрел еси. Сподоби и нас чистым сердцем Того славити.

**Богородичен:** Тя, Богородице Дево, Ходатаицу теплую и стену небориму имущу, яко Молитвенницу за ны неотступную песненно восхваляем.

### Светилен:

**М**ногими страстьми обуреваемы, молим тя, отче Иларионе: исхити нас из челюстей адскаго змия и сподоби светом Христовым просветитися, и на Крест Честный с веселием взирати, яко тем испулены есмы от работы вражия.

**Слава, и ныне, праздника.**

### На хвалíteх стихíры, глас 4:

Мона́шествовающих сто́лпе крѣпкий,/ богомúдрый преѣмниче  
ста́рчества Óптинскаго,/ трудолю́бия дíвное пра́вило,/ бесóв  
смирѣнный прогонíteлю,/ дѣлателью úмныя моли́твы,/ ста́рче наш  
Илариóне,/ в твоѣй па́мяти свѣтло со́бранных// огради́ покрóвом  
моли́тв твои́х.

Образе послушáния,/ мона́шествовающих похвалó,/ и́ноков  
украшѣние,/ преподóбне óтче Илариóне,/ вѣмы ты добродѣтелей  
наста́вника,/ возводя́щаго дúши к Небесí,// тѣмже ты ны́не любóвию  
ублажа́ем.

Благочѣстия учíteлю,/ раскóла искоренíteлю мúдрый,/ па́стырю  
дóбрый, Илариóне,/ соблюди́ ста́до твоѣ моли́твами твои́ми/ и  
нерасхищѣно Христу́ Пастыреначáльнику приведи́,// да прáзднуем  
торжествó твоѣ светонóсное.

### Слáва, глас 1:

Днесь собóр Óптинских отцѣв,/ собравшихся в пúстыни Христа  
ра́ди,/ сретáет побóрника Правослáвныя вѣры,/ егóже приѣмши, ликúет  
Небѣсная Цѣрковь./ Тѣмже и мы, лик составльше,/ твоѣ преставлѣние  
чествúем, вопиúще благочѣстно:/ ра́дуйся, преподóбне Илариóне,/ от  
ми́ра пришѣдый в мона́шеское ополчѣние;/ ра́дуйся, ста́рче  
всехвáльный,/ Правослáвную вѣру невреждѣнну храни́вый;// ра́дуйся,  
моли́твенниче о душа́х на́ших.

И ны́не, прáздника.

## НА ЛИТУРГÍИ

Слúжба прáздника, и преподóбнаго.

### Моли́тва

О богомúдре óтче наш Илариóне! Вѣры Правослáвныя и́стинный  
побóрниче и крѣпкий моли́твенниче о душа́х на́ших пред Престо́лом  
Святýя Трои́цы! Ты, рѣвностию зѣльною о вѣре и́стинней ещѣ от  
юности твоѣя распали́вся, от расколоучíteлей па́ству церкóвную  
храни́л еси́. Ты мно́гия дúши от погíбельнаго заблуждѣния спасл еси́  
и прельщѣнныя к разумѣнию И́стины привѣл еси́, тѣмже за правотú  
сѣрдца твоегó даровáся ти от Бóга благодáть исцелѣний. И ны́не, óтче,  
при́зри на па́ству твою́ и посети́ ю́ и навѣты лука́вых духóв твои́м  
предста́тельством разори́; рáзум наш просвети́, е́же не внимáти нам

духовомъ обольстительнымъ, вѣну всевающимъ в насъ вражду и нестроение, имже разоряется миръ церковный и братии единомыслие. Ей, отче, испроси у Господа миръ и благоденствие странѣ нашей и людемъ ея, вѣры правыя утверждение и еретичествующихъ низложение, намъ же подаждь здравіе душевное и телесное, совесть чистую и жителство незазорное, да сподобимся вкупѣ с тобою, славити великолѣпое Имя Единосущныя и Нераздельныя Троицы, Отца и Сына и Святаго Духа, во вѣки вѣковъ. **А**минь.

*Утверждена Священнымъ Синодомъ  
Русской Православной Церкви  
09.03.2017 (журналъ № 15).*